

百代医宗

五



醫藥太醫院頒行內外諸科方論百代醫宗卷之五

太醫院醫官

金谿 省吾 徐紳 壽述
繡谷 振吾 張文英 泰訂

金陵 少泉 李潮 刻行

剛柔二症論

夫瘧有陰陽二症有汗曰柔瘧無汗曰剛瘧又曰剛為陽瘧柔為陰瘧故
大抵剛柔二症先傷風又感寒濕致之正所謂虛極生熱熱極生風之
甚者也傷風發熱頭痛汗出或由嘔逆汗之必發瘧病濕家發汗稍多
亦作瘧病婦人新產血虛汗出傷風發瘧無疑矣項背強直身反張
顛掣癡噤口不語發熱腹痛鎮日不醒其狀可畏病在足太陽經其或
牙緊手撒痰涎壅盛昏潰煩渴小便赤澀先譏語而發者此剛瘧也其
或便滑洩不渴不語先手足冷而發者此柔瘧也剛瘧為之發汗柔瘧
為解肌金以小續命湯剛瘧去附子用麻黃柔瘧用附子去麻黃大便



利而厥逆者用熟附子佐之其間身體壯熱譫語口乾手足反微寒大便反滑洩此為剛柔不分之症可用生附子小續命主之剛瘧用黃芩根湯桑瘧桂枝葛根湯善治瘧者不可專作風治而用風藥反燥其血而致不救矣大抵與瘧病相似而尤甚多是氣虛有火兼痰宜用人參竹瀝之類所以瘧發通身戰掉角弓反張渾身強直皆曰氣虛扶痰火所致正猶火炎而旋轉火能燥物而使氣液之不足世俗多有不識者誤作風症治之而用風藥風能勝濕是不足之中而又見槓也此病只宜補氣液而散痰火故仲景曰剛柔二瘧不可不辯蓋剛為陽瘧柔為陰瘧太陽惡熱無汗惡寒脈且強長胸滿口噤手足挛急咬牙甚則擗擗用弓反張此為剛瘧太陽微熱多汗不惡寒脈且遲細四肢不收時時搐擗開目含口此為柔瘧多是風濕蘊於太陽之經亦有輕重之分又有諸虛之候亦能成此瘧病表虛不任風寒亦能作此症候或從瘧瘡瘻一切去血太多皆能成此疾也是乃虛為本而風為標耳古人云

勞風卽瘧之屬強上者是角弓反張也宜體者目閉不見其物也所
剛柔二瘧者當以虛實論之一屬外感一屬內傷其外感者屬剛瘧
內傷者爲柔瘧剛瘧者宜用麻黃葛根湯栝蒌桂枝湯小續命湯在
者大承氣湯之類柔瘧者宜用補中益氣湯八物湯四物湯之類當
一婦八月經頻數忽然發瘧口噤手足牽縮角弓反張是去血過矣風
邪乘虛而入用四物湯加防風荆芥羌活少加附子引經六貼而愈姑
錄之傳爲一驗業醫者又當參補

活人舉卿散 治新產血虛發瘧者

荆芥穗不拘多少發炒爲末每服三五錢外以大黃豆卷以熱酒沃
之去黃卷用汁調下效如神

活人葛根湯 治太陽病無汗而小便或上氣上衝胸口噤不得欲作剛

瘧之症 方見寒門

大承氣湯 治剛瘧大便秘熱 方見傷寒門

防風當歸散 治發汗過多發熱頭搖口噤背脊反張

防風 當歸 川芎 生地黄 各二錢五分

右切一劑白水煎服

栝蒌桂枝湯 治太陽傷寒成瘧

栝蒌根 甘草炙 各二兩 桂枝 芍藥 生薑 各三兩

大棗 十二枚

右六味作一服用水九升煮取三升作三服連進取微汗如無汗時用

煮麥粥發之

麻黃葛根湯 治剛瘧無汗惡寒

麻黃 赤芍 各三錢 干葛 四錢五分 豆豉 半合

右切一劑煮煎熱服取汗

防風當歸散 治發汗太多發熱頭搖口噤反張身者宜祛風養血

防風 當歸 川芎 地黃 各二錢五分



右切一劑煎服

小續命湯 治剛柔二瘧

方見中風門

當歸補血湯 治一切去血太甚曰無血者筋令人四肢攣急口噤如

黃芪

一兩

當歸 五錢

右切一劑煎服

袪風加防風羌活荆芥各一錢甘草五分黃芪減半

菝葜根湯 治柔瘧有汗

桂枝

芍藥

甘草

各六錢

葛根

一兩三錢

生薑

一兩

大棗 四枚

右切每劑五錢煎服

理中湯 治柔瘧厥冷自汗

人參

川白薑 炮

甘草

白朮

各等分

右為末每用三字煎服

二生飲 治柔瘧自汗肢體厥冷

南星

川烏 生

附子 各五錢

炮

本香

一分



右作散每用一錢生薑五片水煎服

翻胃膈噎論

蓋翻胃之症朝食暮吐暮食朝吐或食罷卽吐是也謂膈者五膈是也
患寒熱氣之五者謂噎者有五噎也憂思勞食氣者是也膈者在心
之間上下不通若拒隔之狀或結於咽喉之傍時覺有碍吐之不出
之不下由氣鬱痰搏而然久則漸妨飲食而爲膈症矣噎者飲食之際
氣卒阻滯飲食不能順下而爲噎症明矣又所謂翻胃膈噎三者之症
曰火而成其來有漸思慮過度動於脾火者忿怒過度動於肝火者
食煎燻動於胃火者淫慾忘反動於腎火者只曰火炎於上薰蒸津液
而成痰疾初則痰火未結咽膈乾燥飲食不得順流所以爲膈爲噎久
而痰火已結胃之上脘不開飲食須進而痰火壅塞停滯膈間須臾復
出謂之嘔吐至於胃之下脘不開飲食雖進停滯胃中良久方出謂之
翻胃丹溪曰年高氣血俱衰者不可治也昔少年氣血未虛以藥劫去

痰火病尚可治老年氣血已虛再用藥劫之痰火雖得暫愈其病復發
難治所以氣虛則不能運化以生痰血虛則不能滋潤而生火固
症決不可用香燥之藥蓋香能散氣燥能耗血且此疾屬於熱燥固
宜用極爲當也鈎玄云翻胃大約有四血虛氣虛有痰有熱血虛者脈
必數而無力以四物湯養血爲主氣虛者脈必緩而無力以四君子補
氣爲主有痰者脈必滑數以二陳湯有主有熱者脈必數而有力以鮮
毒湯爲主大法當養血生津清痰降火潤燥補脾抑肝開鬱其病自安
張鷟峰曰噎是神思間病惟內觀以自養可也一凡膈噎翻胃三者宜
用二陳湯加竹瀝薑汁童便韭汁之類可爲主治或暮食朝吐朝食晝
吐食下須臾卽吐者此是胃可容受而脾不能運化傳送或大小腸閉
而不通食返而上奔者有之矣加酒蒸大黃以潤之脾不磨者以神
山查枳實以助其化之機又有氣虛肥白之人膈噎者宜四君子湯加
竹瀝薑汁是爲要藥其間有七情鬱結而成氣噎者以香附撫芎木香

積柳括婁砂仁之類飲酒太過而傷之者以砂糖驟尿共而服之
大便燥結者用大黃乃急則治標之法仍用四物湯加童便薑汁
牛羊之乳亦爲上策如氣血虛甚者口沫出沫必死之兆大便如
者亦不治也大腸無血故也又考內經曰三陽結謂之膈三陽者大小
腸膀胱是也結者熱結也小腸熱結則血脈燥大腸熱結則不能
膀胱結則津液涸三陽既結則前後二便閉塞下既不通必反而上行
所以噎食不下縱下而復出之也此陽火不下降而上行也所謂噎膈
翻胃大抵是血液乾涸其或咽喉窒塞食不能下其稿在吸門其或食
下胃脘當心作痛須臾吐出食出痛止其稿在賁門此上焦之膈噎也
其或食物可下良久復出稿在幽門此中焦之膈噎也其或朝食暮吐
暮食朝吐其稿在闌門大小腸之間此下焦之膈噎也前所云血液俱
耗胃脘乾稿其稿在上近咽之下水飲可行硬物難入間或可入食亦
不彙名之曰噎其稿在下與胃爲近食須可下難盡入胃良久復出名

曰膈亦曰翻胃名須不同病出一體又曰噎病生於血乾血屬陰也
土乎靜內外兩靜則臟腑之火不起而金水二臟有養陰血自生腸
胃津液傳化合宜何噎病之有醫者當知此意切不可用燥熱之藥以
火濟火則何異以挺劍而殺人耶慎之慎之

十膈氣散 治十般膈氣漸成翻胃

人參 白茯苓 官桂 枳壳 神麴炒

麥芽 乾生薑 訶子煨 三稜 莪朮

陳皮 甘草 白木各一兩 厚朴 檳榔

木香各五錢 右為末每服二錢薑少許入白湯調下

養胃散 治脾胃虛冷不思飲食翻胃嘔吐

人參 砂仁 丁香 白豆蔻 附子炮

沉香 陳皮 肉豆蔻 麥牙 神麴

甘草各二錢五分 右為末每服二錢薑湯調下



健脾丁香湯 治翻胃嘔吐逆氣噎膈格不通

淨全丁香 廣木香 各一兩

右切每用四錢水一鍾煎六分服宜先用好黃土和泥做一個黃泥碗

用煎藥濾入土碗中病者溫服煎渣仍前法服此方得傳於內臺有效

不可輕視

五噎散 治五噎食不下嘔吐痰涎咽喉噎塞胸膈滿痛

人參 半夏泡七 桔梗 白豆蔻 木香

杵頭糖 沉香不見 葶澄茄 枇杷葉 乾生薑

白木各一錢 甘草炙 右切一劑水二鍾薑七片煎至一鍾食后服

五膈散 治胸膈痞滿諸氣結聚脇肋脹滿痰逆惡心不進飲食等症

枳殼 青皮 土伏子 半夏麴 丁香不見

南星湯泡七次 乾薑 麥芽 草果 白木各三錢

甘草分 右切一劑煎服



五噎立效散

枇杷葉

去毛

陳皮

各兩

生薑

五錢

右切一劑煎服

噤子丸

治男婦氣噎效方

用鷄噤子二個和內宿食濕緝包黃泥固濟炭火燒烱盡取去泥用噤子內宿食已灰全用為末熟棗肉研為丸如梧桐子大每服三十丸食前米飲送下

又一方

加水香

丁香

沉香

各一錢

右為末均入棗噤內共為丸尤妙

人參利膈丸

治膈噎胸中不利大便燥結咳嗽喘滿脾胃壅滯推陳

新治膈氣之聖藥也

木香

檳榔

人參

當歸

藿香

甘草

枳實

大黃

厚朴



右為末滴水丸如梧桐子大每服五十九溫水送下

祖傳潤腸膏 治膈噎大便燥結食進良久復出及朝食暮吐莫食所以

者其捷

威靈仙 四兩搗汁五月用取 生薑 四兩搗汁 真麻油 二兩 白砂蜜

煎滾掠 六百末 右四味同入銀石器中攪均文火煎候如膏時時用筋

一匙食之一并不改宜再進一料未有不效者也

噎方

千年石灰 古銅鏡 沉香 胡椒

右用燒酒一瓶共同一處煮二炷香去火毒每服一小鍾

燒酒 治翻胃吐酸

一用古銅錢四錢打碎如米粒大入核桃一斤搗爛好燒酒一斤共

處均入銅鉢內裝錫瓶內封固瓶口以大鍋水注將藥瓶置於鍋內

煮柴火煮一周時取出埋地下一時以去火毒每日空心進一匙



重午後再進一盞十日內見效如神

頭痛論

按春氣者病在頭又謂諸陽會於首如足太陽膀胱之脈起於目眦上額交巖上入絡腦還出別項下病衝頭痛又足少陽膽之脈起於目眦上額抵頭角病則頭角額痛蓋風從上受之風寒侵上邪從外入客於經則令人振寒頭痛身重惡寒治在風池風府調其陰陽不足則補有餘則瀉汗之則愈此傷寒頭痛也有頭痛耳鳴九竅不利者腸胃之所生此氣虛頭痛也有心煩頭痛者病在耳中過在手巨陽少陰此濕熱頭痛也如氣上不下頭痛癩疾者下虛上實也過在足少陰巨陽甚則入腎此寒濕頭痛也如頭半寒半痛者先取手少陽陽明次取足少陽陽明此是偏頭痛也其真頭痛者甚則腦盡痛手足寒至節即死有厥逆頭痛者所犯大寒內至骨髓者以腦為主腦逆故令頭痛者齒亦痛也其所頭痛者皆以風為治總其大槩而言之高巖之上惟風可到故味之

薄者陰中之陽乃自地升天者也然亦有三陰三陽之異故太陽頭痛
 惡風脈浮緊宜用川芎羌活獨活麻黃為主少陽經頭痛脈弦細往來
 寒熱宜用柴胡為主陽明頭痛自汗發熱惡寒脈浮緩長實者宜升麻
 葛根石膏為主太陰頭痛必有痰身重或腹痛痠痺其脈沉緩宜用蒼
 朮半夏南星為主少陰經頭痛三陰三陽經不流行而足寒氣逆為寒
 厥其脈沉細宜麻黃細辛附子為主厥陰經頭項痛或吐痰沫厥冷其
 脈浮緩吳茱萸湯主之血虛頭痛當歸川芎氣虛頭痛人參黃芪氣血
 俱虛頭痛調中益氣湯少加川芎蔓荊子細辛其效如神白朮半夏天
 麻湯乃治痰厥頭痛之藥空青膏者風溫頭痛之藥羌活附子湯治厥
 陰頭痛之藥如濕氣在頭者以苦吐之不可執方而治古人嘗病頭痛
 發時兩頰青黃眩暈目不欲開懶言身體沉重兀兀然欲吐索古云此
 厥陰太陰合病名曰風痰以局方玉壺丸治之更灸俠谿穴即愈此
 在踝內後跟骨動脈陷中宜灸三壯其論至為詳悉丹溪曰尋主於



其痛甚者火盛宜清痰降火芳痰下虛之人似傷寒發熱汗出兩大
作痛此相火自下衝上宜補中益氣倍用川芎當歸甚者加知母
子又曰自魚尾上攻而痛屬血虛宜用當歸川芎再加酒炒黃柏又
偏頭風者在右屬痰屬熱痰用蒼木半夏熱用酒炒片苓在左屬風
血虛風用荆芥薄荷故荆芥薄荷是頭風之主藥也宜詳証加減用之
血虛宜當歸川芎白芍黃柏王節齋曰久病頭痛畧感風寒便發遇寒
月須重綿厚帛以包裹者此屬鬱熱正是本熱而標寒俗人不知率用
辛溫解散之藥暫得其效誤認爲寒殊不知因其本有鬱熱毛竅常疎
故風寒易入外寒束其內熱閉逆而爲痛辛熱之藥須能開通閉逆散
其標之寒邪以熱濟熱病本益深惡寒愈甚矣惟當世火涼血爲生而
佐以辛溫散表之藥以從治之法治之則病可愈而根可除又所謂
痛頭風者兩無異也但有新久畱去之分淺而近者名曰頭痛其痛卒
然而發以易於解散深而遠者名曰頭風其痛不常愈而滑感復作此



頭痛頭風遠近之分也厥之浮滑者易治脈之短澀者難愈醫者必宜詳辯而細察焉毋得倉卒而進藥矣

選奇湯 治眉稜骨痛不可忍者大有神效

羌活

防風 各二錢

甘草 五分

酒芍 一錢各不用

半夏 五分

右切一劑入酒一小鍾引藥上行

清上瀉火湯 治髮厥頭痛上焦熱甚者

荆芥

川芎 各五錢

蔓荊子

當歸 各二錢

蒼朮 二錢

黃連

生薑

藁本

生甘草

升麻

防風

各五錢

酒栢 一錢

黃芪

酒芍 五分

酒知母 五分

羌活

二錢

柴胡 三錢

細辛 二錢

紅花 二錢

右切二劑煎服宜稍熨進

清空膏

治偏正頭痛年深不愈善療風濕熱頭痛上壅及腦目俱痛

止者諸頭痛悉皆治之惟血虛頭痛不可治

